



Inatsisartut suleriaasianni § 36 Imm.1 naapertorlugu Naalakkersuisunut apeqqut imaattoq matu-muuna saqqummiuppara.

**Naalakkersuisunut apeqqut: Avannaani qimmeqarfiusuni qimmit paarinerlutat annertuumik nunani tamalaani sammineqarnerat isiginngitsuusaaginnarsinnaanginnatsigu Naalakkersuisut qanoq iliuseqarnissamik pilersaaruteqarnersut apeqquteqarpunga.**

(Inatsisartunut ilaasortaqaq Jørgen Wæver Johansen, Siumut)

**Tunngavilersuut:**

***Qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaat nr. 18, 30. oktober 1998-imeersoq***

imatut ilaatigut nipeqarpoq:

***Kapitali 5.***

Qimmit qitsuillu paarineqarnerat

§ 14. Qimmit qitsuillu isumannaatsumik pineqassapput anniaatinut, naalliuutinut, ersinermut ataa-vartumik ajoqutinut annertuumillu ajoqutissanut sapinngisamik pitsaanerpaamik illersorne-qassallutik.

§ 15. Kialluunniit qimmeqarlunilu qitsuuteqartup taakku peqqissaartumik paarineqarnissaat, taa-matuttaaq nerukkarneqartarnissaat isumagissavaa, kiisalu imertinneqartarnissaat aamma timimik-kut, pissusilersornermikkut peqqinnissamik kullu pisariaqartitaat eqqarsaatigalugit periaatsit akue-risaasut aamma ilisimatuussutsikkut misilittakkat naapertorlugit paarineqarnissaat.

Imm. 2. Qimmit qitsuillu panertumik nallavissaqartinneqassapput.

Imm. 3. Kialluunniit qimmeqarlunilu qitsuuteqartup taakku ikinnerpaamik ullormut ataasiarlugit takusarneqartarnissaat isumagissavaa.[...]

§ 16. Qimmit uumatillugit piniariartarfinnut aallaaniartarfinnulluuniit, qimussimik sukkaniuffinnut imaluunniit qimussimik angalanerni qimaannarneqarnissaat inerteqqutaavoq.

Imm. 2. Qimmit qitsuillu uumatillugit nuunnermi aallarnermiluunniit naammattumik nakkutillii-soqartinnagit qimaannarneqarnissaat inerteqqutaavoq.

§ 17. Qimmiminik qitsuutiminilluunniit toqutsiniartup sapinngisamik sukkasuumik anniartitsiner-taqanngitsumillu toqunneqarnissaat qularnaassavaa.

Imm. 2. Imaani imermiluunniit ipititsinikkut, qimitsinikkut nivinngaanikkulluunniit toqutsineq inerteqqutaavoq.

Imm. 3. *Naalakkersuisut qimminik qitsunnillu toqutsineq pillugu malittarisassiorsinnaapput.[...]*”

Tusagassiorfitsigut annertuumik nunatsinni nunanilumi allani, immikkullu maluginiarlugu Nunani Avannarlerni suleqataaffigisatsinni ilaasortanngorfigerusullugulu nammineq suliniuteqarfigineqar-tumi annertuumik avoqqaarlerneq tusagassiorfitsigut nunatsinnut ulluni makkunani tusarsaaqqi-lerpoq. Minnerunngitsumillu Nunatsinni qimmit pineqarnerat kusaginagu avannaanit kalaaleqati-vut tutsiuttalernerat tusaangitsuusaarneqarsinnaanngimmat.

Taamaattumik qulaani taaneqartut tunngavigalugit, inatsisillu atuutereersut eqqaallugit Naalakker-suisut imaattunik apeqquteqarfigerusuppakka.

1) Naalakkersuisut ajornartorsiut qaangerniarlugu qanoq iliuseqarnissamik pilersaarusiulersaar-u-siulersaarpat?



- a) Taamaasimappat suut iliuusissat pilersaarutaappat?
  - b) Taamaangippat, sooq pilersaaruteqartoqannginnersoq nassuiaatigineqassasoq soqutigaaara.
- 2) Qimmiutillit isumannaatsumik paarsinissamik naammassinnissinnaanngitsut inatsisit malillugit pineqaatissinneqarsinnaapput. Naalakkersuisut qanoq iliuusissaminnik pilersaaruteqarpat inatsimmik malitsitsinissamik qulakkeerinnittussamik?
- a) Taamaasimappat suut iliuusissat pilersaarutaappat?
  - b) Taamaangippat, sooq pilersaaruteqartoqannginnersoq nassuiaatigineqassasoq soqutigaaara.
- 3) Naalakkersuisut pilersaaruteqarpat qimminik paarsilluarnissaq pillugu pikkorissaanissamik, pisartut avaangunartut siunissami pinngitsoortinniarlugit?
- 4) Qimmiuteqarnissamik akuersissummik peqarnissaq illoqarfippassuarni atuuppoq. Avannaani qimuttunik qimmeqarfinni qimmiuteqarnissamut akuersissummik peqarnissamik siunissami piumasaqaateqalersaartoqarpa?

Apeqqutit qulaanni saqqummiussakka isumaqalersitsissanngillat qimmiutillit tamarmik qimminnik paarsinerluttuusut, taamaattorli qimmiutillit akornini paarsineluttunik peqarmat ajoraluatumilli qimmiutilinnut tamanut tuttumik isiginnilersitsisartoq eqquisartorlu nalunngilarput.

Taamaattumik Naalakkersuisut piaartumik qanoq iliuuseqartariaqarnissaat pereersut uppersar-massuk pisariaqartutullu isumaqarfigigakku apeqqutit qulaanni taasakka saqqummiuppakka.

Inussiarnersumik inuulluaqqusillunga,

Jørgen Wæver Johansen,  
Inatsisartunut ilaasorta, Siumut